

## 09.03 PROFIL

---

### «Il coronavirus ha sveglià danovamain mes interess per la virologia»



L'uffanza da Jon Duri Tratschin è sequenzada en chapitels da quatter onns. Mintga quatter onns ha fatg la famiglia midada. Mintgatant na savaiva betg tge responder a la dumonda: «Danunder es ti?», raquinta il virolog pensiunà. Suenter la scola chantunala a Cuir ha'l studegià a l'ETH Turitg ed è daventà virolog. Questa lavur al ha manà fin a Washington DC – adina a la tschertga da dapli savoir davart singuls virus. Durant ils ultims onns s'ha el però deditgà dapli a l'istorgia locala da l'Engiadina Bassa – sco col-lavuratur da l'Archiv cultural Engiadina Bassa. Ma cun la scuverta dal coronavirus è vegnì sveglià danovamain ses interess per la virologia. Nus al avain visità a Tschlin, là nua ch'el è uss dachasa – ed era en sasez gia adina.

*Redacziun: Anna Serarda Campell*